

ARCHIVO DI KERKI PROTESTANT DI PLAYA TA ESUN DI MAS ANTIGUO NA ARUBA

ORANJESTAD (AAN) — Sra. Ellen Croes, miembro di e Congregacion di Kerki Protestant di Playa, a duna DIARIO un relato amplio y masha interesante mes tocante e historia di e reliquia arquitectonico aki, y e importancia cu e tin pa nos comunidad.

E congregacion a compra e edificio aki for di famia Arends pa e suma di 250 Florin, pero nan mester a bashe abao completamente unda cu e fundeshi so a keda, y riba dje a traha e kerki.

E congregacion Protestante mes ta mas bieu cu e edificio ya cu otro aña e lo bay cumpli 175 aña na Aruba. E tempo ey tempo cu Aruba tabata parti di Antiyas, cu tabata tin un comunicacion mas strecho entre e congregacionnan di Aruba y Curacao. E tempo ey tabata tin predicacion tabata tin Aruba pa fungi como orado pa e congregacion Arubano, y asina a nace e iniciativa pa lanta un kerki Protestant na Aruba.

Na 1950 e kerki grandi a habri, mientras cu esun bieu a cuminsa su diferente fase di restauracion, y for di e tempo cu a keda cla te awendia, e edificio continuamente ta keda mantene pa evita cualquier tipo di deterioro, ya cu e bay atras ta dificil pa dreche, pa motivo cu e temponan aya edificionan tabata worde traha di piedra cu kalki di lama, y pesey, otro construccionsnan similar, e.o., Fort Zoutman, ta topa cu problemanan.

Pesey cada 8 pa 10 luna e congregacion ta tene e mantencion di e construccionsnan tanto pafu como paden.

MOBILIARIO SIGLO XIX: Tempo cu a restaura e edificio, a busca mobiliario cu ta data for di siglo XIX (19) cual a bini for di Hulanda. E congregacion a haci tur esfuerso te ora na a haya e mesun tipo di mueble cu a worde usa e tempo como 150 aña pasa na Aruba y cu aki mes tabata practicamente imposible pa haya mas.

E lampinan tambe ta pas den e interior di edificio cu e mobiliario.

Un punto masha interesante tambe ta cu den e carera di e añanan 1978 pa 1980 e

Gobernador Ben Lever di Curacao, a haci e Iglesia Protestant un donacion pa cubri algun necesidad prioritario. Cu e donacion aki nan a compra un organo cu nan a busca for di Hulanda di e famoso firma Flantrop. Sra. Croes ta corda cu riba un diadomingo a tene un servicio special pa inaugura e organo unda cu e invitadonan di honor tabata Gobernador Lever y su señora. Nan a bini Aruba cu su comitiva y hunto cu Gezagebber Frank Figaroa y Comandante di Marina e ceremonia a tuma lugar. Esaki a sosode durante e prome fase di restauracion di e kerki bieu cual proceso a cuminsa hopi aña prome, y a tarda un tempo despues, pa e bira loke ta actualmente.

BISHITA PA TURISTA: Ta bon pa destaca cu banda di e kerki grandi nan a traha un creche pa facilita e mayornan bin atende e servicio Diadomingo, unda tin un persona pa cuida e muchanan.

Tambe nan tin un Cuarto di Cafe, unda e miembronan di e congregacion ta sinta bebe un coffie despues di e servicio y asina intercambia idea cu otro. E ta, por cierto, un lugar masha agradable mes. E kamber di coffie aki ta ricibi bishita di masha hopi turista cu ta bini for di Estados Unidos, Europa y Canada cu ta interesa pa sa e historia di e iglesia, specialmente di e edificio bieu.

Sra. Ellen Croes a facilita redaccion un articulo for di nan archivo, cu a worde publica den DIARIO Dialuna 15 di november 1982.

"Kerki Protestant ta marca turistico tambe" ta e titular di e articulo cu a worde redacta despues cu un redactor a observa cu diariamente tin turista ta saca potret. E domingo anterior el a dicidi di conversa cu algun turista Mericano y dos Italiano tabata sacando potret di e kerki, anto puntra nan kico ta loke ta atrae nan di e iglesia.

"This is one of Aruba's trade-marks and its exactly what i've ben told about it" ta e contesta cu e reportero a ricibi di un di e turistanan Mericano e tempo ey. Otro turistanan a menciona cu e

kerki aki ta un di edificionan di misa di mas bunita cu nan a yega di mira, sugiriendo tambe pa e edificio worde mantene pa no perde su bunitesa.

Awor, 14 aña despues, ta hopi mas turista ta bishita e kerki Protestant, ta participa den e servicio di diadomingo, y ta saca potret y puntra riba su historia.

ARCHIVO Y BIBLIOTECA: Kerki Protestant tambe ta conta cu e archivo di mas antiguo cu tin na Aruba, cual recientemente a worde restaura tambe.

E ta data for di aña 1822, y otro aña, ora cu e congregacion lo cumpli 175 aña di existencia na Aruba, nan lo trece mas detaye riba e historia di e archivo aki, segun loke sra. Ellen Croes ta indica na DIARIO.

Nan ta trahando riba un estadistica pa tin un idea exacto di con grandi e congregacion ta na Aruba.

Na Juni aña pasa nan a worde asisti pa un estudiante di Universidad di Amsterdam, especialista den Archivo, y actualmente nan ta trahando riba un proyecto pa haci un sorto di censo pa haya sa cuanto miembro di e congregacion ta permanente




na Aruba, loke ta encera un trabao grandi.

Fuera di e archivo e Kerki ta conta cu un biblioteca masha grandi mes, cu ta warda como 3 mil boeki.

ASOCIACION DI DAMA: Kerki Protestant tambe tin su Asociacion di Dama cu na Juni proximo ta haci 37 aña di funda, cual ta afilia na e asociacion grandi na Hulanda, cual ta e unico cu tin afiliacion pafu di Europa.

Henter e asociacion aki ta consisti di mas of menos 60 mil miembro, y door di esey nan ta realiza diferente actividad cultural, social, etc.



Fresita

E Placer di lo Diferente

Na Carnaval, Valentine's, of cualkier ocasion Fresita Semper ta Bon

Agente Exclusivo PROSALCO N.V. Olifjestr 23A - Tel/Fax: 22926